

剡源鄉志卷十六

奉化趙霈濤 醉仙甫纂

寓賢傳

漢

梅福字子真變姓名為吳門市卒之後即隱四明山所

在著異故人傳以為仙有四明山記其所著也

黃宗羲四

明山志

晉

王羲之字逸少司徒導之從子也

案導光祿大夫覽之孫覽瑯琊臨沂人

剡源鄉志

卷十六

寓賢傳

一

起家祕書郎仕至右軍將軍會稽內史雅好服食養

性不樂在京師初渡浙江便有終焉之志會稽有佳

山水名士多居之謝安未仕時亦居焉孫綽李充許

詢支遁等皆以文義冠世竝築室東土與羲之同好

嘗與同志宴集於會稽山陰之蘭亭羲之自為之序

以申其志既去官與東土人士盡山水之游弋釣為

娛又與道士許邁共修服食採藥石不遠千里徧游

東中諸郡窮諸名山泛滄海歎曰我卒當以樂死初

羲之既優游無事與吏部郎謝萬書曰古之辭世者

或被髮佯狂或污身穢跡可謂艱矣今僕坐而獲免
遂其宿心其爲慶幸豈非天賜違天不祥頃東游還
修植桑果今盛敷榮率諸子抱弱孫游觀其間有一
味之甘割而分之以娛目前雖植德無殊邈猶欲教
養子孫以敦厚退讓或有輕薄庶令舉策數馬髣髴
萬石之風君謂此何如比當與安石東游山海并行
田視地利頤養閑暇衣食之餘欲與親知時共懽讌
雖不能興言高詠銜杯引滿語田里所行故以爲撫
掌之資其爲得意可勝言邪嘗依陸賈班嗣楊王孫

剡源鄉志

卷十六

寓賢傳

二

之處世甚欲希風數子老夫志願盡於此也年五十
九卒贈金紫光祿大夫諸子遵父先旨固讓不受

晉書

本傳

剡金庭觀稱右軍故宅

剡錄

其別業在剡源六詔相

傳山中有石研

結埼亭集剡源九曲辭

又有墨池

結埼亭詩注

皆爲

羲之之遺

九曲辭

故其地向有右軍祠

至正志

今改廟

新纂

南齊

孔祐山陰人至行通神隱於四明山嘗見山谷中有數
百斛錢視之如瓦石不異採樵者競取入手卽成沙
礫曾有鹿中箭來投祐祐爲之養創愈然後去太守

王僧虔引爲主簿不屈

南史附杜京產傳

案寶慶志引南史有刪節

唐

謝遺塵有道之士也嘗隱於四明山之南雷

寶慶志四明山條大

雷山卽謝遺塵所隱

一旦訪陸龜蒙與語不及世務且曰吾得

於玉泉生知子性誕逸樂神仙中書探海岳遺事以期方外之交雖銅牆鬼炊虎獄劍餌無不窺也今爲子語吾山之奇者有峯最高四穴在峯上每天宇澄霽望之如戶牖相傳謂之石窗卽四明之目也山中

剡源鄉志

卷十六

寓賢傳

三

有雲不絕者二十里民皆家雲之南北每相從謂之過雲有鹿亭有樊榭有潺湲洞木實有青櫺子味極甘而堅不可猝破有猿山家謂之鞠侯其他有圖籍不足道也凡此佳處各爲我賦詩龜蒙因作九題詩謝省之曰玉泉生真不誣矣

甫里集

宋史直翁特立遺

塵之祠於湖上未幾被廢

國朝全祖望因重建之爲作祠堂碑記

結埼亭集外編

案黃黎洲四明山志定遺塵之居在餘姚之南

雷剡源集清茂軒記剡源有兩大雷皆有石門

定遺塵之居在毛氏之石門以戴先生居剡數十年當自無誤非黃氏僅僅遊歷一月者比也

張良臣字武子一字漢卿

延祐志

拱人也父避地南來往

返明越遂家於明

樓鑰書張武子詩集後

良臣篤學好古

平園續稿

天資絕高

書後

善為詩清刻高潔不蹈襲凡近凌厲音

節讀者悲壯尤長於唐人絕句語盡而意益遠

延祐志

結交老蒼聞見多前輩事魏杞尉姚江一見奇之

書後

隆興元年試南省杞時為參詳官

延祐志

得其三策心

知為武子之文袖以見知舉張燾讀之以為佳

書後杞

剡源鄉志

卷十六

寓賢傳

四

曰此文拙古必故人張武子所作使欲得士願以進

燾許之撤試果良臣也杞晚居小溪山中日從酬唱

其作詩或終歲不出一語

延祐志

故所作必絕人

書後

宋詩人咸推服之

延祐志

良臣兩仕都城司糴於外司

帑於內皆甚劇泊然如在山林苟非所知雖貴而欲

見不造也平時若不以事物自嬰而官業井井可觀

惜乎不見用不幸齎志而歿

書後

良臣天性清曠不營

產業

戴表元題徐可與詩卷

閉門讀書室中無一物終日凝然

妻孥至不免飢寒或謂君不為歲晚計良臣曰水禽

有名信天翁者食魚而不能捕兀立沙上視他禽偶墜魚於前乃拾之然未聞有餓死者其夷澹雅謔類如此書後爲渡江以來詩祖凡後生操觚弄翰者未有

不出其門

戴表元題徐可與詩卷

官止監左藏庫有詩集十卷

延祐志

弟堯臣字以道書後

襲其古賦四篇古律詩數百

首號雪窗集

續稿

卒葬白巖山中

乾隆志

江孝廉迴曰乾隆志引黃宗羲四明山志魏杞作史浩誤也

案今高輿譜別有一人號雪窗而無武子之名

剡源鄉志

卷十六

寓賢傳

五

不知乾隆志何以云子孫居高輿也

又案康熙志敘遺張良臣宋之高士隱於大雷山今不詳其何人豈卽張武子歟然武子隱大雷山他書無證豈別一人與武子同名歟

王蜀

許寂少年棲四明山學易於晉徵君一旦有夫婦詣山挈一壺酒寂詰之云今日離剡縣寂曰道路甚遙安得一日及此頗亦異之其夕以壺觴命酌此丈夫出一拍板抗聲高歌悉是說劍之意俄自臂閒抽兩物

展而喝之卽兩劍躍起在寂頭上盤旋交擊寂甚駭
尋匣之飲畢就寢迨曉乃空榻也

乾道四明圖經引北夢瑣言寶慶志

亦引之

宋

舒津字通叟文靖之從孫也登景定三年進士第遷太

學博士知平江府

舒文靖類稿

寓雲南

董村案在

僧舍

陳本堂集

詩題

舒岳祥字舜侯

鄞縣志

一字景薛甯海人

宋元學案

七歲能作

古文弱冠謁吳子良吏部大奇之

袁桷師友淵源錄

學者稱

剡源鄉志

卷十六

寓賢傳

六

閻風先生

鄞縣志

宋亡

學案

流寓剡源榆林

全祖望剡源九曲辭

與

戴表元相友善

學案

表元先避地天台

本剡源集

與岳祥和

詩最富

全祖望撰胡梅磧藏書審記

案宋元學案岳作嶽

元

劉莊孫字正仲

袁桷撰墓誌

號樗園

據剡源集

天台人能以詞藻

達幽隱從舒岳祥遊唱和不輟空林絕嶂目接耳受

一寓於諷詠

墓誌

家貧無書傳五經能默與先儒合

袁桷

師友淵源錄

與岳祥同流寓於榆林

全祖望剡源九曲辭

著有劉黃

陂集

宋元
學案

黃正孫字長孺震孫夢幹子生有美質雅志恬靜親傳家學不自表襮年十二宋亡卽絕意仕進事母盡孝與仲父季父患難相從不異貲產年二十出爲陳著贅壻居十有七年乃歸皇慶二年出遊西州至嘉興魏塘有義士吳某遣幣迎致之履行端方爲學者所尊晚自號尚綱翁以見其志至正五年卒年八十一

鄞縣志引黃
潛撰墓誌

案黃潛撰墓誌作父祖勉

剡源鄉志

卷十六

寓賢傳

七

戴良字叔能浦江人通經史百家暨醫卜釋老之說

明史

本傳

學古於柳貫黃潛吳萊學詩於余闕

趙友同
撰墓誌

皆得

其師承

元詩
選

元季避地吳中依張士誠

本傳

至正二十

一年以薦授淮南江北等處行中書省儒學提舉時事不靖無可行其志

墓志

久之見士誠將敗挈家汎海

抵登州欲閒行歸擴廓軍道梗寓昌樂洪武六年南還變姓名隱四明

本傳

四明多佳山水耆儒故老流寓

於茲因相與宴集爲樂酒酣賦詩擊節歌詠聞者以爲有黍離麥秀之遺音焉

墓志

明太祖物色得之十五

年召至京師試以文欲官之以老疾固辭忤旨明年四月暴卒蓋自裁焉本傳

胡世佐字伯衡其先世甯海人祖三省以儒業傳家化成

志父德華娶陳著女據陳本世佐從學於舅氏案

沆洵泌通五經累舉不第授徽州明經書院山長陞四人

本州教授遭時不靖弗果行慶元路總管阿殷圖知其賢招諸郡庠爲五經師以淑後進遂家於鄞至正二十二年中書參政危素薦授江浙儒學副提舉不赴卒年七十四文學德行爲時所重云志成

剡源鄉志

卷十六

寓賢傳

八

明

全整字修齋少受業於族父本然本心二先生修明慈湖之學而受詩於丁鶴年之門其所傳習遠有淵源有明草昧初開士爭趨風雲之會而整獨承先人之教不樂仕進所居在剡源第五曲曰三石草堂林泉草木之盛甲於九曲又結廬於梨洲以祀孫綽其逸情高致皆此類也是時全氏在鄞之桓溪詩人極盛皆欲其歸鄞本然之子玉翁以詩招之有商皓芝中非固蒂陶潛菊畔可安居之句整答之有曰萬閒廣

廈深蒙庇半畝林泉更卜居蓋猶未定歸也洪武乙丑始歸桓溪而往來唱和於剡源不絕與陳孟雍樓穆中諸人稱爲剡源八傑永樂間徵修大典辭不受年八十餘始卒所著有三石山房集四卷

全祖望撰
全修齋府

君傳

周立本字長卿學者稱三峩先生嘗受業於王嗣爽有鄰女私奔嚴拒之人稱之曰周柳下以貢爲上虞訓導嘗攝簿事多善政立本天性純粹無書不覽爲文高邁清俊詩清切澹遠

徐之垣
課墓誌

勝朝末謝事

康熙志

與

剡源鄉志

卷十六

寓賢傳

九

子志甯偕隱於剡源之公棠

李國標撰
周志甯傳

有詩集數十

卷及四六金莖露藏於家銓部戴澳爲序

乾隆志

王翊字完勳別號篤菴慈谿人後遷姚江補諸生好言

兵

全祖望
撰墓碑

有智略魯王監國翊起兵海濱與江上師

爲聲援授兵部職方主事浙東不守

海東
逸史

時黃宗羲

引殘卒入四明思自守以觀變翊方走海濱招兵謀

與宗羲合

墓碑

乃入四明山結寨於大蘭戊子三月破

上虞馮京第自湖州軍破亦間行至四明與翊合軍

杜畧軍容甚整北帥聚團練攻杜畧破之京第匿民

舍翊以四百人走天台謂諸將曰是皆團練之罪也
北兵雖健我視其銳則避之懈則擊之非團練爲之
鄉導彼敢行險地如枕席乎然北兵團練豈能相守
吾卒雖殘其破團練尚有餘力乃自天台至四明擊
破鄉聚之團練者沿道招集流亡一月復至萬餘人
而京第亦出己丑春又破上虞浙東山寨石仲房
釋史作仲芳 王化龍陳天樞俞國望金湯奉化吳奎明
云在天台 袁應彪紀年 千里之間屹然相望然皆擄掠暴
橫平岡張煌言上虞李長祥獨不擾民又單弱不能

剡源鄉志

卷十六

寓賢傳

十

成軍惟翊一旅蔓延於四明八百里之內設爲五營

五司海東逸史於是四面二百八十峯之民其租賦不之

官而之翊其訟獄不之官而之翊其耳目消息皆不

之官而之翊碑墓翊計天下不能無事待之數年庶幾

爲中原之應也海東逸史是年夏碑墓自上虞出東徇奉化

北兵方攻吳奎明奎明力竭而遁翊猝遇之而戰北

兵大敗六月紀年翊朝行在拜右僉都御史庚寅

三月復來朝進兵部右侍郎八月破新昌拔虎山進

本部尚書右副都御史明年春北兵將攻舟山惡翊

中梗乃分二道一由奉化一由餘姚會師於大蘭山
帳房三十里游騎四出以搜伏聽者翊遁入海海東逸史

七月復入山小腆紀年所留諸將降殺且盡翊徬徨無所

倚海東逸史山中父老勸令招兵榆林曰溪之間墓碑二十

四日至北溪爲團練兵所執是夜大星墮地野雞皆
鳴過奉化賦絕命詩有平生忠憤血飛濺於羣虜之
句在獄中每日從容束幘掠髮修容謂守卒曰使汝
曹得見此漢官威儀也八月十二會訊於定海翊坐
地上曰毋多言成敗利鈍皆天也汝等何所知十四

剡源鄉志

卷十六

寓賢傳

十一

日行刑羣帥憤其積年倔强聚而射之或中肩或中
頰或中脅翊不稍動如貫植木洞胸者三尙不仆乃
斧其首而下之始仆年三十六

國朝賜諡曰烈愍海東逸史

周志甯字爾俟別號樗園立本子以文行著聲補邑庠

康熙志時盜賊蠭起四方擾攘急啓父曰大人雖不膺

民社豈優游文墨時乎因脫屣歸偕隱於剡源之公

棠李國標譯傳鼎革後遂棄諸生父歿竭力襄含殮康熙志

不因貧故棄禮享祀必從蠲潔首延名宿陶甄子弟

性好客其始筆牀楚楚花影近人戶履常相錯至半
畝樗園壁立時客尚視爲鄭莊之驛至則恪治壺餐
略無吝色或論心晨夕或攬勝風雲總不向庸俗中
求生活也迨數楹莫蔽編茅以棲澹泊會心穆然意
遠晚年撰造日新三旬九食撚鬚自如李傳所著有詩
瓢文瓢學遊草蒙壯知非諸集卒年六十四康熙志嘗
愛養金魚呼錫嘉名者百餘頭卒之先一夕盡死堂
下桂屏爲文酒佐歡處一朝零敗紫薇數本皆垂首

素幃云李傳

剡源鄉志

卷十六

寓賢傳

十二

李國標字君龍

李杲堂撰
嘉禾集序

別號梅岑高材博學

全祖望
撰李梅

岑小傳

讀書洞見本源不倚傍宋人訓詁

康熙志

於五經

俱有所論辯其讀史諸論能馳騁古今斷以己意而
盡歸於是非之正李序邑令胡賞其文有國士無雙之

目康熙志

顧耿介絕俗雖前輩薦紳先生非深知之者

不往見嘗客天台陳寒山見其文極賞之及晤其人
喜曰李生胸中有奇氣其足重者非徒以文全傳已而

寒山連雋去壽之千金弗視爲婉致一姬納之康熙志

晚以明經入太學改步之際全傳

令楚之嘉禾李序

流賊

方訏不得有所爲續耆舊傳在官僅八十餘日康熙志而事

遽去累遭挫折終不屈自此益不肯妄見一人全傳杜

門著書自號明麓逸叟康熙志鄞都御史林璽菴嘗訪

之麥飯蔥湯相對話故國事次日與共遊山賦詩感

慨高宇泰仿汐社例舉南湖耆舊之會慎選遺民稍

有可議者輒弗得入共得九人故戶部徐振庸最長

太常王玉書次之然皆曰安得梅岑來社中吾輩當

讓之爲祭酒乃相與迎之以病辭不至全傳是時年八

十氣體甚健喜遊覽山川飲酒盡數斗不亂衣冠杖

剡源鄉志

卷十六

寓賢傳

十三

履甚古李序時往來六詔三石山中樵子牧豎皆知爲

李先生也論者謂梅岑有柴桑之風全傳其大節類淵

明云續耆舊傳

國朝

舒坤翁字方叔廣平之後結埼亭集刻源九曲辭跋好讀書善醫天

性忠耿遇人不平事正色侃言不避怨憎里中多直

之丙戌紹興失守魯王故臣盡從海道揚帆坤翁恨

不得同往日訊問其去住來往由是同志者多就其

家告訊坤翁貧無以應給日從病家來盡傾其衣袖

中所得市薪米毫無吝色

王 玉 書 撰 傳

時鄞陸宇焮為侍

郎馮京第王翊募兵於榆林

鄞 縣 志

坤翁與之同居太

常王玉書嘗為作傳死於山中宇焮輓之曰嗚呼方

叔不死者心死者身有魂趨東海翩然朝故君全祖

望欲立宇焮祠以坤翁配之

九 曲 辭 跋

宗誼字在公號正菴

續 耆 舊 傳

江東起事義兵各食其地勸

輸之餉鄞餉以故太僕謝三賓富推之為主其人曰

輦兼金賂戚畹求入閣反乾沒里中所輸而出納於

軍中甚吝誼慨然發其家得十萬金徑送督師錢肅

剡源鄉志

卷十六

寓 賢 傳

十四

樂營肅樂疏請獎之且言其才宜在館閣監國召詣

都堂誼曰是將以卜式出身也辭不赴江師航海資

糧屣履仍仰之內地誼家已落猶貨其田園奴婢之

未盡者以應之遂屏當一空無擔石之儲而誼怡然

與陸宇燦董劍鏢葉謙陸崑范兆芝余畚結七子社

以扁舟共遊湖上

全 祖 望 撰 墓 文

嘗在全吾騏座中擁爐圍

火適有客至頗遊時貴之門偶以淡巴菰就火誼遽

曰速易此火污吾爐矣

續 耆 舊 傳

晚年所居僅破屋時至

絕粒哦詩不衰

墓 文

年七十猶強健

周 斯 盛 撰 正 庵 詩 序

後居剡

源與舒象坤倡和最相得續耆舊傳

周元初字自一一字立之鄞人也學者稱爲棲煙先生
文穆公應賓從子文穆無子撫以爲子已而推恩受
任讓於同祖昆弟其一卽刑部郎元登其一卽思南
守元懋時人賢之及國難元登從亡海上元懋祝髮
縱酒以死而元初從戎仗節論者有三珠樹之目元
初少負大略其所交好華毅烈默農王忠潔石雁陸
節介周明王太常水功徐兵部我庸族中則囊雲不
過數人相期以忠孝於世俗貴介紈綺之習蔑如也

剡源鄉志

卷十六

寓賢傳

十五

東江建國

結埼亭集

罄家財以輸餉錢

海東逸史

與其諸弟石

公先生元越赴之錢忠介公疏授明經仍援文穆遺
恩授郎署不受遂以白哈參軍事悍帥爲梗不得展
其志迨國亡重趼入榆林時避兵者多弗盡與通也
而周明水功及囊雲皆在焉大喜四人無日不相過
從偶不過從則如坐鍼氈中所倡和詩務期僻思詛
句不類世間人所作然後脫稿經營慘淡得之屋顛
樹杪之間閒亦與高僧解齋參禪機峯橫出榆林在
萬山中先生日走其間足爲之蹙亦不顧其家累請

返故居不許歲中唯再展文穆及所生墓道則一至
祠下信宿而已元初故擁文穆遺貲以輸餉忠介幕
府蕩其十五戊子力救華王二公之難又蕩其十三
至是雖行遯尙從事於窮島之聲援遂盡廢其貲而
先生操行彌厲黃齋脫粟麻衣草履極人間未有之
困方陶然自得也嘗作捉鬼者傳以奇其憤晚年周
明死王事囊雲亦卒水功返城居先生乃往來郊城
之間高武部九子之社先生與焉未幾諸公相繼卒
先生雖離羣索居然雄心未已寫捫蝨圖以見志

結 埼

剡源鄉志

卷十六

寓賢傳

十六

亭 集

陸宇焯字周明一字贛菴鄞縣人世科子少讀書慷慨

負大志

續耆
舊傳

喜任俠北都之變士大夫亡命者聞其

名爭來就識與不識皆加館禮

南天
痕

當南都覆沒時

慟哭學宮適董幼安至相抱而號因聚謀爲起兵計
會張雲生華吉甫王卣一毛象來不戒而集董幼安
出載書於袖中宇焯遂連名署紙尾顧徧諸薦紳莫
有以爲是者計無所出宇焯沈吟良久曰是惟刑部
錢肅樂可語但彼以喀血踰年不應客吾當排闥見

之乃往直入內告焉肅樂亟強起曰不敢辭曰決乎
肅樂曰決矣不告其家遂行召募數日事終不就會
聞紹興兵起諸薦紳始稍稍集虛左席以讓肅樂而
謝三賓者方從江上迎降歸欲敗其事貽書定海鎮
將王之仁有請殺六狂生以靖亂之語當時六狂生
皆囊儒惟宇焯以貴公子毀家輸餉三賓尤欲殺之
不料其計之不行也宇焯貽之書曰昔德祐之季謝
昌元贊趙孟傳誘殺袁進士以賣國執事之家風也
今幸總戎不爲孟傳遂使執事不得收昌元効順之

剡源鄉志

卷十六

寓賢傳

十七

功以是知賣國之智亦不能保其萬全也三賓得書
咋舌而已魯監國次於會稽授爲監紀同知俄進按
察副使仍監軍時馬士英亦逃至越匿方國安軍中
宇焯陳士英十大罪乞梟其首以謝江左同朝王詹
事思任莊給事元辰皆助其言不報黃侍御宗羲亦
廷爭之卒格於安國而止宇焯歎曰卽此已不堪立
國矣遽棄官歸而士英果挾國安以爭金華江上軍
事爲之崩裂諸軍航海宇焯爲馮王二侍郎募兵於
榆林已而皆破於是六狂生者相繼死其四而宇焯

之志不灰

全祖望撰墓碑

歷十八年復謀舉兵應海上

海東逸史

時煌言以孤軍入江北宇焯為之飛書發使煌言遙

仗宇焯為內主捕至錢唐宇焯已病用奇計出獄門

抵館而卒年五十六歲私諡日節介

墓碑

萬泰字履安晚號悔菴鄞人東江建國以戶部主事司

兵餉充日講國亡遁入榆林

續耆舊傳

盡攜藏書以行

續騷

堂集詩題

三年蹤跡往來西皋剡曲間時把離騷一卷向

水邊林下低回而誦之

續騷堂集自序

已而榆林亦被兵

續耆

舊傳

所藏書無復存者

詩題

乃復歸公車敦促長歌謝之

剡源鄉志

卷十六

寓賢傳

十八

然日益忽忽不得燕人梁以樟至鄞約同志六七人

與之倡和其音淒絕吳鍾巒死泰購得其遺稿摩挲

故紙手抄傳之

續耆舊集

泰始未嘗作詩遭亂以來驚離

弔往所至之地必拾其遺事表其逸民

黃宗羲撰詩序

著有

續騷堂集

沈一韓避地甬上與萬泰攜手入剡經月西歸賦詩留

別泰答和二首中有一月空山住千秋過客蹤之句

續騷堂集

邵以貫字得魯餘姚人少與其兄以發齊名而以貫尤

涓潔講求有用之學時遭飢饉與同里鄭奠維諸人
舉義倉桑梓中德之已而國難大作以貫欲死不得
遂削髮爲頭陀狂走入雪竇山中妙高臺

鮚埼亭集

其胸中所有無非溪雲嶺雪孤峯怪石

周齊曾撰邵母壽序

周

囊雲亦以僧服居曰阮時時過從又與黃澤望夜讀
謝皋羽遊錄而慕之曰方今豺虎滿天下五嶽之志
不可期矣四明二百八十峯近在臥榻當使峯峯有
二人屐齒於是始遍走山中然山寨方不靖所在二
人邏卒而二人者冠服奇古躑躅其閒頻遭詰難顧

剡源鄉志

卷十六

寓賢傳

十九

不以爲苦澤望嘗曰得魯自甲甲後輔頰閒無日不
有淚痕其稍開笑口者則遊山耳以貫所爲詩文極
多顧身後散佚無一存者

鮚埼亭集

王玉書字水功一字仙笈號无界鄞人

續耆舊傳

爲人美鬢

目魁然有氣岸好極論天下事慷慨自喜

李鄴嗣撰墓志

與

錢肅樂善爲講學友乙酉東江兵起玉書杖策從之

以明經授太常博士

續耆舊傳

居散曹無所試

墓志

棄之歸

未幾避兵於榆林其所唱和者周齊曾周元初陸宇
焯所稱榆林四老者也迨宇焯死國事齊曾亦死玉

書益躑躅山水間

續耆舊傳

絕意自放專精於詩其詩務

搜剔宿垢湔濯積塵不肯有單言片句偶合古人

墓志

嘗欲葬楊文琦兄弟之骨為疏以告諸好義者

續耆舊傳

卒年七十一

墓志

錢豹字文蔚墳之後少有才錢肅樂以同姓厚期之已

而世亂遂不復進取每過榆林與玉書齊曾相得甚

懽徐振奇避兵青雷復從之遊偶入城則主高斗權

宇泰家錢肅圖嘗曰文蔚不涉世味穆然靜遠性所

蘊蓄蔚為聲詩蓋劉遺民之徒歟

續耆舊傳

剡源鄉志

卷十六

寓賢傳

二十

周齊曾字思沂一字唯一號囊雲鄞縣人少就傅嘗終

日不聞呶唔聲或疑讀何書竊窺之則南華楞嚴二

經也

續耆舊傳

為文擺落華藻自抒所得

李鄴嗣撰囊雲集序

崇禎

九年舉於鄉十六年會試房考吳麟徵得其卷大異

之登進士知順德縣首減征繕以國有常賦復有息

耗民何以堪除各項應派餘悉蠲之

周天行撰行略

攝香山

縣故相黃士俊家居蓄無賴以害民齊曾捕其客之

甚者置獄士俊大怒會兩京陷閩中立君士俊復為

揆輔思去之

續耆舊傳

下教有不便於民者即解職歸

黃宗

義 讓
墓 志

部民間齊曾棄官去浮海乞留者數萬城中疑

為寇至閉門拒之齊曾竟乘夜潛出買舟亟行在道

中聞吳麟徵黃瑞伯兩房師皆死國難痛哭以不得

從之為恨歸至浙東則百城內附續 耆
舊 傳魯王監國起

給事中紹興破海 東
逸 史時順治三年丙戌也李 杲 堂
文 鈔遁

入剡源三石之石蓮菴丁亥秋復築瓢於白阮之榭

樹灣霜 聲
集盡去其髮而為髮冢曰惟松有聲可以無

哭惟薤有露可以無泪惟鳥石依依可以無弔客架

險立瓢榜曰囊雲自稱無髮居士剡源饒水石與山

剡源鄉志

卷十六

寓賢傳

二十一

僧樵子出沒瀑聲虹影之間墓 志性耐勞苦南 天
痕同年

生王爾祿為海道求見之不可得以茶餽之謝以詩

而不往也以書招之續 耆
舊 傳答曰齊曾自鬻髮緣盡便

趁雲巒覓路回首江城覺咫尺千萬里數年來遼陽

鶴或從魂夢中一歸今且夢亦不知何往矣夫人固

有不可一世而固自矯矯以傲流俗者齊曾自分非

其儔也但居民上而莅茲土者刻視亡國臣雖編戶

僕隸不如而又誅求無已富而無以固其有餘貧而

無以守其不足出門叢棘何處側身是宜山深耳兼

之齊曾些窳寡狀昔爲東粵下吏不能違一邑心以
事鄉大老幾中含沙解組而遯夫不易其性後焉保
不蹶之如前苟不深自衡審輕圖一用恐鳧沒鷺浮
奚止無補於時而且慮仍以覆轍滋罪緣是皈依空
王以釋子自度學木槁灰死雖在地上如隔地下卽
母妻瓜葛年兄弟之異姓而骨肉者同一塊土不見
顏色五易星霜倘一旦出而趨承左右能不羣起而
疑之故君子在望小人方歌樂只頌父母齊曾豈不
渴深瞻拜乃卒躊躇而止正不欲使君子之側有此

剡源鄉志

卷十六

寓賢傳

二十二

可疑之人以溷天下之是非不止慮爲數行北山文
笑也況世外人家雖在而置之若無身雖存而等之
若亡白石一鋤蒼松一笠已足了未盡之年此外復
何有所覬伏冀執事覽其醜縷而納其芹曝幸甚齊
曾棲霞蹤迹朝不知暮宿所從此勿再以八行通候
問也囊雲文集或又以巡撫意招之且動以禍福答曰所
欠惟一死無他求也所親謀強之入城至郊南欲自
投於水其孤峻如此續耆舊傳山林標致一器之微亦極
其工巧嘗於燒餘爲爐拂拭過於金玉又得懸崖奇

木製爲養和坐臥其間墓志 隱居凡二十餘年辛亥卒

年六十九南天痕 固守殘山賸水之節以終其身結埼亭集

外編跋崇禎十年進士錄 所著詩古文詞高清晰逸絕去煙火鄞縣

曹志 閒圖山水筆意亦出塵外鄉人欽其高風私諡曰

貞靖先生鄞縣志

胡傳字鱗翼鄞縣人與父一桂皆以能詩名傳晚年從

齊曾遊鄞縣志 齊曾束茅山中傳常往來其閒佛燈魚

鼓時與共云續耆舊傳

汪偉字長源南直休甯人翰林檢討爲慈谿令有固守

剡源鄉志 卷十六 寓賢傳 二十三

城圍議慈谿縣志 北都亡偉帥官吏士民哭臨畢爲位哭

之三日乙酉夏偉與沈宸荃起兵晉御史仍知縣事

偉募義勇赴江上自効任事邁往諸帥惡之乃力求

罷莊元辰留之丙戌夏浙東再破偉黃冠行遯於剡

溪不肯歸妻收遺秉子拾墮樵不以爲苦辛卯後始

歸故鄉卒以窮死全祖望撰王玉藻事略

案汪長源事蹟結埼亭集與慈谿縣志互異

羅有高字臺山江藩國朝宋學淵源附記 甯都瑞金人少而雋偉

年十六補諸生明年寓雩都蕭氏別業徧讀所藏書

因慨然慕古劍俠者流習技勇治兵家言彭紹升後

與宋昌國同學於贛惲敬大雲山房文稿外傳見鄧元昌篤於儒

臺山於是幡然棄所學尤喜明道象山陽明念菴之

學以上闢六經孔孟之文旁推曲證多創獲之旨年

二十餘謁甯化雷貫一遂受業其門每有陳說雷曰

子聰明然譬諸活水銀吾懼其流也居歲餘而歸行述

三十一充優貢生三十四順天鄉試中式外傳還家率

諸族子弟入鳳凰山朝夕講肄導以為善行述性喜出

遊常之廣東客恩平縣李文藻官舍又見戴東原於

剡源鄉志

卷十六

寓賢傳

二十四

京師始檢注疏及爾雅說文解字諸書為訓故之學有

釋蠹一篇附記汪大紳治儒釋兩家言才辯無礙行述其

生平相與講學論文往復不厭者獨彭紹升與臺山

而已彭紹升撰汪大紳述復入京會試攜其幼子之明來舍

之去其還也乃攜以歸行述忽登樓縱火自焚家人驚

救得不死遂狂走入深山數月後乃迹得之與人言

孝弟而歌泣無時外傳至宜黃有余子安者館之石埭

山僧舍尋至揚州度錢唐行述過甬東外傳止奉化西峯

寺行述變姓名為高郎張鳳竹見其詩文奇之延為塾

師令其子璇從焉嘗講鄉黨一篇於雪竇禪寺設朝

廟階寢聘享之制甚詳張璇略記一日出白金易錢外傳金

甚夥附記縣胥疑其盜也捕之臺山手仆三人餘皆逃

尋自詣縣縣令升堂見之叱使跪不應詰其姓名不

答行述與縣官為禪語縣官瞠不解外傳羈之告成寺行述

鳳竹乃知姓名告有高同年生邵洪略記洪白於令而

釋之行述遂主其家略記請業者無不足其意以去明年

渡海禮洛迦山王昶撰墓誌已而至蘇與彭紹升遊太湖

之洞庭樂石公之勝賃僧舍而居之洪迓之還甯波

剡源鄉志

卷十六

寓賢傳

二十五

行述然名心不死又與洪入京應試附記京中士大

夫聞其至多相從論學抵家甫逾旬而卒年四十六

行述有高為文章絕去摹擬依傍務抒其所獨契墓誌而

天性孝友家庭間每有拂逆處之退然與人交無賢

愚必款款盡言引之於道行述所著有尊聞居士集行

於時外傳

孫廷鎬字庚炎一字庚垚號蓮峯無錫人諸生工詩熟

於史事喜談兵參秦湘業金匱無錫縣志朱學士筠督學浙江時

延之校文又薦主蛟川書院遂流寓甬上剡源張鳳

竹相遇郡中挈之歸割外舍居之因教其子璇復申之以婚姻廷鎬於書無所不窺講學不爲理學空言務兼體用古文詩賦足亂唐人楮葉又時時入兩漢魏晉人之室時文非其所屑爲然閒一爲之格高韻古有明及本朝數大家外俱無此手筆嘗言科名之外有文章文章之外有事業事業之外有性命學不闢基於性命後來皆立腳不住必須先養得性光十分圓滿天地古今事雖至微極細方能照徹表裏大學格致誠正其序如此非謂格致後始當言誠正也

剡源鄉志

卷十六

寓賢傳

二十六

後人有體無用四字最是未妥苟其無用畢竟不曾有體而無體之用亦畢竟不成爲用少從方苞遊苞言文章糟粕精微所寓後生作時文若先務去糟粕是并精微而去之矣是又不可不知也廷鎬好讀金經叩之則曰學如治病藥必對證余性剛褊證是鬱冒若投以宋人瀋劑則死矣大抵麻木風痺療以申韓筋弛脈縱療以管商實熱疫厲療以老莊疋卻羸弱療以六經余鬱冒是無明煩惱病根最重療以內典是所宜也所著有周禮集義易學管窺金經得一

錄筆贅五十七卷雜說二十卷古文詩賦雜著稿四

十三卷

無錫志作
著有白紵集

藏鳳竹家既歿葬於剡源溪西

坪之上歿之前數日謂弟子周步瀛曰臨死面赤者

氣自上出當生天面白者氣自下降當生人子盍候

之遂不言而面赤於火者三日乃終

周步瀛
撰傳

其弟子

最著名者步瀛之外宋曾源張璇

李世濂字蓮史鄞縣人咸豐乙卯舉人文名藉甚辛酉

九月避難巖頭授徒十餘人教學不倦至同治壬戌

四月郡城克復始歸

剡源鄉志

卷十六

寓賢傳
仙釋傳

二十七

仙釋傳

吳

劉綱字伯經下邳人任上虞令與夫人樊氏雲翹居四

明山

丹山
圖詠

師事白君歷年學成

嘉泰會
稽志

嘗與夫人較

術綱作火燒碓屋夫人禁之即滅庭中兩株桃各呪

一使相鬪擊良久綱所呪者走出籬外綱唾盤中成

鯉夫人唾之成獺食魚入山路阻虎綱禁之伏不動

適欲往虎即喊之夫人徑前虎不敢仰視以繩繫虎

於牀腳下每共試術不勝

太平
廣記

將昇天大蘭山有阜

茨樹網升樹數丈方能飛舉夫人平坐冉冉如雲氣

之升圖詠

案寶慶志十五紀異黎洲條案十道四蕃志卽

劉綱與夫人昇仙處

晉

孫綽字興公太原中都人爲章安令何法盛晉中興書復爲永

嘉太守李周翰天台山賦註家會稽剡錄引文章志遊放山水十有餘

年作遂初賦以致其意剡錄引汰洲記與兄承公同遊至澗

側寶慶志十五引四明山志得仙梨而上昇寶慶志四引四明山志

剡源鄉志

卷十六

仙釋傳

二十八

唐

某道士咸通時人有客自剡溪金庭路由林嶺間將抵明州行二三十里忽迷失舊路忽忽而行日已將暮莫知棲息之所因遇一道士荷鋤問津焉道士曰此去人家稍遠無寓宿之所不嫌弊陋宿於吾廬可也引及其家則林徑幽邃山谷沖寂旣憩廡下久之烹野蔬苗食之頃有叩其門者童子報云隱雲觀請來日齋泊曉道士去約童子曰善祇奉客客因問隱雲觀置來幾年去此觀遠近答曰自古有此觀置來去

此五百里常隱雲中世人不見故以爲名客驚曰五
百里甚遠尊師何時當還答曰尊師往來亦頃刻耳
俄而道士復歸欲留客久住客方有鄉關之念懇辭
而出乃遣童子示其舊路行三二里失向來所在及
問歲月已三四年矣尋卽復往再訪其蹤無能知其

處所

寶慶志十一
引雲笈七籤

案黃氏四明山志謂在黎洲六詔之間

章全素南昌人從吳郡蔣生於四明山傭作甚怠時蒙
笞罵蔣生學鍊丹每葺鑪鼎爨薪鼓鞴積十年而不

剡源鄉志

卷十六

仙釋傳

二十九

成一日全素指石硯而謂蔣生曰先生好仙術亦能
化此硯爲金乎蔣生慚而復罵之曰汝傭安知餘事
全素曰某或能之蔣生叱其誕妄而退明日蔣生出
外歸則全素已卒蔣生掩其尸於篋爲具棺及發篋
尸失所在已視其石硯化爲黃金光彩爛然

四明
山志

宋

太白禪師納交孤竹君之裔飛錫於此

案卽指
桃花阮山

擇其

地而居之留偈云昔是神仙窟今爲長者居定須攀

月桂宜教子孫書

寶慶志
十四

自能居法喜院是院一瓦一木皆自能手成而丈室惟布袋木枕無復長物卽之坐龐眉皓頂泊然似不能言者舒亶有題法喜院詩二首延祐志詩詳寺菴

普濟字大川林氏子岳林寺志蹕駐人初住岳林寺嘗於二

月八日彌勒道場之日大書一偈於山門曰契此老

公無計性不知生日與生辰春風桃李知時節特地

年年說向人本堂集曾撰修五燈會元二十卷行世岳林

寺志示寂後其徒炳同江湖之宿望儒而墨者也乞文

本心樞密為塔銘本堂集

剡源鄉志

卷十六

仙釋傳

三十

戴佚其名號雪溪居士公棠人時人謂剡源三教蓋謂

本堂大川雪溪也陳沆剡源九曲圖記陳本堂次韻戴成叔詩

曰當年雪溪翁知命故知足平生一退字厚施不食

祿高潔嚴子陵清賢段干木溪上多子孫林樹森瑤

玉本堂集

德麟字足翁許氏剡源人剡源有古剎曰西峯圓覺寺

十四歲投其僧主一公為師稍長縱遊廣參卒得法

於天童無際派公遂主慈溪龍山三年次蘆山六年

次昌國普慈八年撤普慈一新之次奉化岳林三年

次昌國吉祥四年余尚書開奉化岳林住持一年卽
退歸鄞育王關主主育王一年退主鎮江焦山四年
咸淳辛未逝逝旣用天竺法其徒介文自焦山捧骨

東歸

剡源集

松澗字如岳題剡上鹿苑寺一覽閣詩末云何年了卻
癡兒事分我西禪一月單江湖膾炙此閣遂有聲陳
著有次韻鹿苑寺一覽閣主松澗送茶詩又有次韻
如岳詠菊詩惠茶詩次韻如岳釀飲西峯寺詩如岳
先後主上乘淨慈寺

本堂集

剡源鄉志

卷十六

仙釋傳

三十一

恭字雪航主丹小山年七十餘清苦善吟

本堂集

陳十二佚其名著之姪爲金觀道士著有送道士十二

姪歸金觀詩

本堂集

廣聞號偃溪侯官林氏嗣法徑山琰厯主小淨慈香山

萬壽雪竇育王淨慈靈隱徑山八剎

四明山志

其住小淨

慈時常立鄭忠定公祠其遺墨與檇棹之榜竝傳焉

陳沆剡源九曲圖記

景定四年示寂

四明山志

元

珣字東玉三石陳氏儒家子行應法言近道年未四十

氣貌嗒然如不欲語雖習爲超世忘物之說而温篤
孝友信乎仁義人也戴表元有珣上人刪詩序再刪

詩序

剡源集

正思剡源毛氏子父早世兄弟五人最少者亦爲僧曰
清瑞正思自其幼年母邵氏卽割愛命之薙髮易服
復與之經營之資曰他日我老願汝築一菴以養我
正思受其言菴未成而邵氏沒日夜念之不能忘於
懷清瑞爲助鄞田若干以起其役功用克集其初名
靜山菴後遂以公櫬上聞易爲天壽報本寺其名義

剡源鄉志

卷十六

仙釋傳

三十二

蓋上申華封之祝下存凱風之思云

剡源集

國朝

超觀字水定原名士華號位之邑高街孫際升之繼子
幼習經書過目輒能覆誦遭亂挈眷從貞靖先生入
筠塘山窩聚茅爲廬居之母妻死葬其側人因名曰
孝義菴超觀嘗題囊雲窩詩云廿載囊雲伴杖藜山
空惟有兩心知移花笑我多成癖愛石如君亦近癡
七十已完彭澤志半生題徧剡溪詩採薇人去清風
在響絕高山爲子期蓋自傷其卒無知己者

參康熙
志孝義

菴譜高街孫
譜隱君傳

奇僧字指石奇夢字德量榆林陳氏子兄弟也以世儒
而習禪宗大不類俗衲口頭動拈公案者為本空師
高弟子歷主雪竇雲溪龍樹諸刹與儒者談詩論古
坐臥雲根竹縫託之吟詠若以詩為棒喝也一日忽
曰寰中燈焰明暗有時手中繩索收放自我遂與德
量共營壽塔徐揚名撰塔銘築定山菴以祀親榆林陳譜著有本

懷詩

徐揚名本
懷詩序

四男文墨校字

剡源鄉志

卷十六

仙釋傳

三十三